



შპს „სავაქრო ცენტრი 2009“

გამარტივებული ელექტრონული ტენდერის საშუალებით აუდიტორული მომსახურების შესყიდვა

წინამდებარე სატენდერო დოკუმენტაცია შედგენილია „სახელმწიფო შესყიდვების შესახებ“ საქართველოს კანონის 12¹ მუხლისა და „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 7 აპრილის N9 ბრძანების საფუძველზე

ქ. ბათუმი

2015 წელი

სარჩევი

1	ინსტრუქცია ტენდერში მონაწილეთათვის	3
2	საკვალიფიკაციო მოთხოვნები	3
3	ტექნიკური მოთხოვნები	3
4	სხვა მოთხოვნები	4
5	სახელმწიფო შესყიდვის შესახებ ხელშეკრულების პროექტი	6
6	დანართი №1 პრეტენდენტის რეკვიზიტები და სატენდერო წინადადება	11
7	დანართი №2 ფასების ცხრილი	12
8	დანართი №3 პრეტენდენტის გამოცდილება	13

1. ინსტრუქცია ტენდერში მონაწილეთათვის

1.1. სახელმწიფო შესყიდვების ერთიან ელექტრონულ სისტემაში (შემდგომში - სისტემა) შესყიდვის პროცედურები ხორციელდება „სახელმწიფო შესყიდვების შესახებ“ საქართველოს კანონისა და „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 7 აპრილის N9 ბრძანების შესაბამისად;

1.2. ტენდერთან დაკავშირებული ყველა დოკუმენტი ან/და ინფორმაცია წარმოდგენილი უნდა იქნას ორიგინალის სახით (ასლის შემთხვევაში ნოტარიულად დამოწმებული ასლი) ქართულ ენაზე. დოკუმენტის ან/და ინფორმაციის უცხო ენაზე წარდგენის შემთხვევაში მათ უნდა დაერთოს ნოტარიულად დამოწმებული ქართული თარგმანი;

1.3. ტექნიკური დოკუმენტაციის განხილვისას უცხოენოვან დოკუმენტსა და მის ქართულ ენაზე შესრულებულ თარგმანს შორის, პრიორიტეტის მინიჭების საკითხს წყვეტს სატენდერო კომისია;

1.4. სისტემაში ატვირთული ყველა დოკუმენტი ან/და ინფორმაცია ხელმოწერილი ან/და ბეჭედდასმული (ბეჭდის არსებობის შემთხვევაში) უნდა იყოს უფლებამოსილი პირის მიერ (საჭიროების შემთხვევაში უნდა აიტვირთოს შესაბამისი მინდობილობა ან რწმუნებულება);

1.5. სახელმწიფო შესყიდვების შესახებ ხელშეკრულების ფორმა და პირობები მოცემულია სატენდერო დოკუმენტაციაში, რომელიც ხელშეკრულების დადების მომენტისათვის დაზუსტდება სატენდერო წინადადების შესაბამისად.

2. საკვალიფიკაციო მოთხოვნები

საკვალიფიკაციო მონაცემების დამადასტურებელი დოკუმენტები არ მოითხოვება, სახელმწიფო შესყიდვების სააგენტოს თავმჯდომარის 2011 წლის 7 აპრილის N9 ბრძანებით დამტკიცებული „გამარტივებული შესყიდვის, გამარტივებული ტენდერის და ელექტრონული ტენდერის ჩატარების წესის“ მე-11 მუხლის მე-4 პუნქტის შესაბამისად.

3. ტექნიკური მოთხოვნები

3.1. შესყიდვის ობიექტების აღწერა:

3.1.1. შესყიდვის ობიექტს წარმოადგენს შპს „სავაჭრო ცენტრი 2009“-ის მიერ 2014 წელს გაწეული სამეურნეო-საფინანსო საქმიანობის აუდიტორული შემოწმების მომსახურების შესყიდვა, რომელიც უნდა მოიცავდეს საზოგადოების საქმიანობის აუდიტორულ შემოწმებას 2014 წლის 1 იანვრიდან 2014 წლის 31 დეკემბრის ჩათვლით პერიოდისათვის და შესაბამისი დასკვნის მომზადება, რომელშიც ასახული იქნება:

- წლიური ანგარიშგების აუდიტი;
- ფულადი სახსრების აუდიტი;
- ძირითადი საშუალებების და მასთან დაკავშირებული ოპერაციების აუდიტი;

სასაქონლო-მატერიალურ ფასეულობათა აუდიტი (საქონლის შეფასების დროს მიმწოდებელმა უნდა უზრუნველყოს გამოუსადეგარი, დაზიანებული, მწყობრიდან საბოლოოდ გამოსული, ჩამოსაწერი ქონების გამოიჯვნა და მათი შეფასების ცხრილში ასახვა, ასევე მოამზადოს ქონების ჩამოწერისათვის საჭირო დოკუმენტაცია, სალიკვიდაციო აქტები და მიაწოდოს შემსყიდველს საქონლის თითოეულ სახეობაზე ჩამოწერისათვის საჭირო დოკუმენტაცია და რეკომენდაციები;

- არსებული მოთხოვნებისა და ვალდებულებების მოკვლევა, ინვენტარიზაცია, სამეწარმეო და არასამეწარმეო სუბიექტების მიხედვით ცალკ-ცალკე;
- აუდიტის პროცესში აქტივების დანაკლისის ან/და ზედმეტობის გამოვლენის შემთხვევაში, მათი ბუღალტრული ასახვისათვის ყველა საჭირო დოკუმენტაციის მომზადება, შეფასება და საჭიროების შემთხვევაში საბაზრო ღირებულების შესახებ დასკვნის წარმოდგენა;

შესყიდვის სავარაუდო ღირებულება
მომსახურების მიწოდების ვადები

- 5000 (ხუთი ათასი) ლარი.
- ხელშეკრულების ხელმოწერიდან 2015 წლის 10 ივნისის ჩათვლით

3.1.2. 2015 სამეურნეო წლის განმავლობაში, დამდგარი აუცილებლობიდან გამომდინარე, შპს „სავაჭრო ცენტრი 2009“-ის საწესდებო კაპიტალში წინასწარ დაუგეგმავი ცვლილებების თაობაზე ან სხვა აუდიტორული დასკვნის მომზადება შემსყიდველის წერილობითი მოთხოვნის შესაბამისად.

შესყიდვის სავარაუდო ღირებულება
მომსახურების მიწოდების ვადები

- 2000 (ორი ათასი) ლარი.
- ხელშეკრულების ხელმოწერიდან 2015 წლის 31 დეკემბრის ჩათვლით

(შენიშვნა: ასეთი აუცილებლობის დადგომის შემთხვევაში ცალკეული მომსახურებ(ებ)ის ღირებულება და მიწოდების ვადა განისაზღვრება მხარეების წერილობითი შეთანხმების საფუძველზე, ხოლო არ დადგომის შემთხვევაში პრეტენდენტს გამოუყენებელ თანხაზე პრეტენზია არ ექნება)

4. სხვა მოთხოვნები

4.1. მომსახურების გაწევის პირობები

4.1.1. მომსახურების გაწევის ვადები:

- 3.1.1. პუნქტით გათვალისწინებული მომსახურების ვადაა ხელშეკრულების გაფორმებიდან 2015 წლის 31 მაისის ჩათვლით პერიოდი,
- 3.1.2. პუნქტით გათვალისწინებული აუცილებლობის დადგომის შემთხვევაში მხარეების მიერ ურთიერთშეთანხმების ხელმოწერიდან 5 სამუშაო დღის განმავლობაში;
- ხელშეკრულება მოქმედებს 2015 წლის 31 დეკემბრის ჩათვლით ტექნიკური მოთხოვნების შესაბამისად;

4.1.2. მომსახურების მიწოდების ადგილი: საქართველო, ქ. ბათუმი, აღმაშენებლის ქ. N 21, შპს „სავაჭრო ცენტრი 2009“-ის ადმინისტრაცია.

4.2. სატენდერო წინადადების ფასი:

4.2.1. სატენდერო წინადადებაში ფასი გამოსახული უნდა იყოს საქართველოს კანონმდებლობით გათვალისწინებული და შესყიდვის ობიექტის მიწოდებასთან დაკავშირებული ყველა გადასახადის გათვალისწინებით;

4.2.2 სატენდერო წინადადების საერთო და ერთეულის ფასის წარმოდგენა დასაშვებია მხოლოდ ლარებში;

4.2.3. პრეტენდენტმა, რომელიც არ არის რეგისტრირებული დღგ-ს გადამხდელად, სატენდერო წინადადების საერთო და ერთეულის ფასი უნდა წარმოადგინოს დღგ-ს გარეშე, რაც უნდა მიუთითოს სატენდერო წინადადებაში.

4.3. ანგარიშსწორების პირობები:

4.3.1. ანგარიშსწორება მომწოდებელთან განხორციელდება უნაღდო ანგარიშსწორებით ეროვნულ ვალუტაში;

4.3.2. ანგარიშსწორება მოხდება შემსყიდველის საკუთარი შემოსავლებით, ეტაპობრივად, მიღება-ჩაბარების აქტის გაფორმებიდან არაუგვიანეს 5 (ხუთი) კალენდარული დღის განმავლობაში. საბოლოო ანგარიშსწორება განხორციელდება არაუგვიანეს 2015 წლის 31 დეკემბრისა.

4.3.3. წინასწარი ანგარიშსწორება (ავანსი) არ გამოიყენება.

5. ხელშეკრულების უზრუნველყოფის საბანკო გარანტია

5.1. ტენდერში ხელშეკრულების უზრუნველყოფის გარანტია არ გამოიყენება;

6. დამატებითი ინფორმაცია

6.1. პრეტენდენტს არა აქვს უფლება წარმოადგინოს ალტერნატიული სატენდერო წინადადება;

6.2. სუბკონტრაქტორი არ გამოიყენება;

6.3. სატენდერო დოკუმენტაციასთან დაკავშირებული განმარტებების მიღება პრეტენდენტს შეუძლია შემსყიდველის ადმინისტრაციაში: ქ. ბათუმი, აღმაშენებლის ქ. N 21, საკონტაქტო პირი ედვარდ ბალაძე, ტელ/ფაქსი 422 24 10 93, email: tradecenter2009@yahoo.com.

7. პრეტენდენტის მიერ ერთიან ელექტრონულ სისტემაში ასატვირთი მონაცემები:

7.1. პრეტენდენტის რეკვიზიტები და სატენდერო წინადადება თანახმად დანართისა N1;

7.2. ფასების ცხრილი თანახმად დანართისა N2;

7.3. ინფორმაცია გამოცდილების შესახებ თანახმად დანართისა N3;

7.4. პრეტენდენტის სერტიფიკატების, აუდიტორების საქმიანობის ლიცენზიების და/ან სერტიფიკატების, აუდიტორულ შემოწმებაში მონაწილეთა „CV“-ების დასკანირებული ასლები.

ხელშეკრულება № _____ სახელმწიფო შესყიდვის შესახებ

წინამდებარე დოკუმენტი წარმოადგენს სახელმწიფო შესყიდვების შესახებ ხელშეკრულების პროექტს, რომელიც დაიდება გამარტივებული ელექტრონული ტენდერის ჩატარების შედეგად გამარჯვებულ პრეტენდენტთან. წინამდებარე ხელშეკრულების პროექტის პირობები დაზუსტდება გამარჯვებული პრეტენდენტის სატენდერო წინადადების შესაბამისად, რომელიც ამავდროულად თანდართული ექნება ხელშეკრულებას, როგორც მისი განუყოფელი ნაწილი

ქ. ბათუმი

2015 წლის ____ თებერვალი

ერთი მხრივ, შპს სავაჭრო ცენტრი 2009 (მისამართი: ქ. ბათუმი, აღმაშენებლის ქ. 21) წარმოდგენილი დირექტორის არჩილ კახიძის სახით (შემდგომში წოდებული „შემსყიდველად“) და მეორე მხრივ _____ (მისამართი: _____) მისი _____ სახით (შემდგომში წოდებული „მიმწოდებლად“), შპს სავაჭრო ცენტრი 2009-ის მიერ აუდიტორული მომსახურების შესყიდვის მიზნით (CPV 79212000 - აუდიტორული მომსახურება) ჩატარებული გამარტივებული ელექტრონული ტენდერის გათვალისწინებით ვდებთ ხელშეკრულებას შემდეგზე:

1. ხელშეკრულებაში გამოყენებულ ტერმინთა განმარტება

- 1.1. „ხელშეკრულება სახელმწიფო შესყიდვის შესახებ“ (შემდგომში – „ხელშეკრულება“) – შემსყიდველსა და მიმწოდებელს შორის დადებული წინამდებარე ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით.
- 1.2. „ხელშეკრულების ღირებულება“ – საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.
- 1.3. „დღე“, „კვირა“, „თვე“ – კალენდარული დღე, კვირა, თვე.
- 1.4. „შემსყიდველი“ – ორგანიზაცია, რომელიც ახორციელებს შესყიდვას.
- 1.5. „მიმწოდებელი“ – პირი, რომელიც ახორციელებს მომსახურებას ხელშეკრულების ფარგლებში.
- 1.6. „მომსახურება“ – ხელშეკრულების მე-2 მუხლით გათვალისწინებული ხელშეკრულების საგანი.
- 1.7. „ტექნიკური დავალება“ – სატენდერო დოკუმენტაციის ტექნიკური დავალება,
- 1.8. „ფასების ცხრილი“ -სატენდერო დოკუმენტაციის ფასების ცხრილი, რომელიც დაერთვება ხელშეკრულებას, როგორც მისი განუყოფელი ნაწილი.

2. ხელშეკრულების საგანი

- 2.1. ხელშეკრულების საგანს წარმოადგენს აუდიტორული მომსახურების შესყიდვა
- 2.2. ხელშეკრულებით გათვალისწინებული მომსახურების პირობები მოცემულია ტექნიკურ დავალებაში, რომელიც დაერთვება წინამდებარე ხელშეკრულებას, როგორც მისი განუყოფელი ნაწილი.

3. ხელშეკრულების მოქმედების ვადები

3.1. ხელშეკრულება ძალაში შედის მხარეების მიერ მისი ხელმოწერის დღიდან და მოქმედებს 2016 წლის 31 იანვრის ჩათვლით.

4. ხელშეკრულების ჯამური ღირებულება

4.1 ხელშეკრულების ჯამური ღირებულება შეადგენს: _____ ლარს.

4.2 ხელშეკრულების ჯამური ღირებულება უნდა შეიცავდეს შემსრულებლის მიერ საქართველოს მოქმედი კანონმდებლობით გათვალისწინებულ ყველა გადასახადს.

5. მომსახურების გაწევის წესი და ადგილი

5.1. ხელშეკრულებით გათვალისწინებული ვალდებულების შესრულების ადგილია ქ. ბათუმი, აღმაშენებლის ქ. 21, შპს „სავაჭრო ცენტრი 2009“-ის ადმინისტრაცია.

5.2. მომსახურების გაწევა ხდება ერთიანად ამ ხელშეკრულების დადგენილი წესის მიხედვით.

6. მხარეთა ვალდებულებები

6.1. მიმწოდებელი ვალდებულია გაუწიოს შემსყიდველს ამ ხელშეკრულების 2.1. პუნქტში მითითებული უნაკლო მომსახურება.

6.2. თუკი ხელშეკრულების 2.1 პუნქტით გათვალისწინებული მომსახურება არ აღმოჩნდება სრულყოფილი, მიმწოდებელი ვალდებულია, შემსყიდველის მოთხოვნის-თანავე, გამოასწოროს ეს ნაკლი.

6.3. მიმწოდებელი უფლებამოსილია მოსთხოვოს შემსყიდველს მომსახურების ღირებულების ანაზღაურება ხელშეკრულებით გათვალისწინებული ვადებისა და პირობების დაცვით

6.4. შემსყიდველი ვალდებულია მომსახურების სრულყოფილად გაწევის შემდეგ გადაიხადოს მისი ფასი ამ ხელშეკრულებით გათვალისწინებული პირობებით;

6.5. შემსყიდველი უფლებამოსილია ნებისმიერ დროს განახორციელოს მიმწოდებლის მიერ ნაკისრი ვალდებულებების შესრულებისა და ხარისხის ინსპექტირება;

7. ანგარიშსწორების ფორმა და წესი

7.1. მიმწოდებელთან ანგარიშსწორება განხორციელდება უნაღდო ანგარიშსწორების წესით ეროვნულ ვალუტაში.

7.2. ანგარიშსწორება განხორციელდება შემდეგნაირად: უნაღდო ანგარიშსწორებით, მიმწოდებლის მიერ შესაბამისი დოკუმენტაციის წარმოდგენიდან არაუგვიანეს 20 (ოცი) სამუშაო დღის განმავლობაში.

8. ხელშეკრულების ინსპექტირება

8.1. შემსყიდველი ახორციელებს კონტროლსა და ზედამხედველობას მიმწოდებლის მიერ ხელშეკრულების პირობების შესრულებაზე.

8.2. ამ მუხლის პირველი პუნქტით გათვალისწინებული კონტროლისა და ზედამხედველობის განმახორციელებელი პირ(ებ)ი შემსყიდველის მიერ განსაზღვრული იქნება ხელშეკრულების გაფორმების მომენტისათვის.

8.3. ყველა გამოვლენილი ხარვეზის ან ნაკლის აღმოფხვრასთან დაკავშირებული ხარჯების ანაზღაურება ეკისრება მიმწოდებელს საქართველოს კანონმდებლობით დადგენილი წესით.

9. შესყიდვის საგანის მიღება-ჩაბარების წესი

9.1. ხელშეკრულებით გათვალისწინებული მომსახურება ან მისი ნაწილი ჩაითვლება მიღებულად შესაბამისი მიღება-ჩაბარების აქტით, მას შემდეგ რაც მიმწოდებლის მიერ

წარმოდგენილი იქნება შესაბამისი ინვოისი და შემსყიდველის მხრიდან არ არის გამოვლენილი ხარვეზი მომსახურებაში.

10. ხელშეკრულების შეწყვეტა

10.1. შემსყიდველი უფლებამოსილია უარი თქვას წინამდებარე ხელშეკრულებაზე და მოითხოვოს გაწეული ხარჯების ანაზღაურება მომსახურების ხელშეკრულებით გათვალისწინებული ხარისხის მნიშვნელოვანი დარღვევის (გამოუსწორებელი ნაკლის, ისეთი ნაკლის, რომლის გამოსწორება შეუძლებელია განსაზღვრული მატერიალური და დროის დანახარჯების გარეშე, ან რომელიც კვლავ აღმოჩნდება ნაკლის გამოსწორების შემდეგ) შემთხვევაში.

10.2. შემსყიდველი უფლებამოსილია მთლიანად ან ნაწილობრივ შეწყვიტოს ხელშეკრულება მიმწოდებლისათვის ვალდებულების შესრულების შეუძლებლობის წერილობითი შეტყობინების შემდეგ თუ:

ა) ხელშეკრულებით გათვალისწინებულ ან შემსყიდველის მიერ გაგრძელებულ ვადაში მიმწოდებელს არ შეუძლია მომსახურების სრულად ან ნაწილობრივ მიწოდება;

ბ) მიმწოდებელს არ შეუძლია შეასრულოს ხელშეკრულებით გათვალისწინებული რომელიმე ვალდებულება;

გ) შემსყიდველისათვის ცნობილი გახდა, რომ მისგან დამოუკიდებელი მიზეზების გამო, იგი ვერ უზრუნველყოფს ხელშეკრულებით ნაკისრი ვალდებულებების შესრულებას;

დ) მიმწოდებლის მიმართ დაიწყო გაკოტრების საქმის წარმოება;

ე) საქართველოს კანონმდებლობით გათვალისწინებულ სხვა შემთხვევებში.

11. მხარეთა პასუხისმგებლობა

11.1. ფორსმაჟორული გარემოებების გარდა ხელშეკრულებით გათვალისწინებული ვალდებულებების შეუსრულებლობის ან არაჯეროვანი შესრულებისათვის მხარეებს დაეკისრება პირგასამტეხლოს გადახდა.

11.2. მიმწოდებელს 3.1. პუნქტის მოთხოვნების დარღვევისათვის დაეკისრება პირგასამტეხლო ხელშეკრულების ჯამური ღირებულების 0,1 %-ის ოდენობით ყოველდღიურად;

11.3. იმ შემთხვევაში, თუ დაკისრებული პირგასამტეხლოს ჯამური თანხა გადააჭარბებს ხელშეკრულების ჯამური ღირებულების 10 (ათი) პროცენტს, შემსყიდველი იტოვებს უფლებას შეწყვიტოს ხელშეკრულება და მოითხოვოს მიმწოდებელს ხელშეკრულების შეწყვეტის მომენტისთვის გადასახდელი პირგასამტეხლოს ანაზღაურება;

11.4. შემსყიდველს 7.2. პუნქტის მოთხოვნების დარღვევისათვის დაეკისრება პირგასამტეხლო ხელშეკრულების ჯამური ღირებულების 0,1 %-ის ოდენობით ყოველდღიურად;

11.3. პირგასამტეხლოს გადახდა არ ათავისუფლებს მხარეებს ძირითადი ვალდებულებების შესრულებისაგან.

12. ფორს-მაჟორი

12.1. მხარეებს არ დაეკისრებათ პასუხისმგებლობა ხელშეკრულებით გათვალისწინებული ვალდებულებების შეუსრულებლობის, არაჯეროვანი შესრულების ან ვადის გადაცილებისათვის თუკი, შეუსრულებლობა გამოწვეულია ფორს-მაჟორული გარემოებებით.

12.2. ამ მუხლის მიზნებისათვის ფორს-მაჟორი ნიშნავს ისეთ გარემოებებს, რომელთა არსებობის გამო მხარისათვის ობიექტურად შეუძლებელი იყო სახელშეკრულებო ვალდებულებების შესრულება (სტიქიური მოვლენები, საომარი მოქმედება, ეპიდემია, კარანტინი, საბიუჯეტო ასიგნებების მკვეთრი შემცირება, მომსახურების მიწოდებაზე ემბარგოს დაწესება, სახელწიფო გადატრიალება და სხვ.).

12.3. ფორს-მაჟორული გარემოებების დადგომის შემთხვევაში ხელშეკრულების მხარემ, რომლისთვისაც შეუძლებელი ხდება ნაკისრი ვალდებულებების შესრულება, პირველი შესაძლებლობისთანავე უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან პასუხს, იგი თავისი შეხედულებისამებრ, მიზანშეწონილობისა და შესაძლებლობის მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამოწახოს ვალდებულების შესრულების ისეთი ალტერნატიული ხერხები, რომლებიც დამოუკიდებელი იქნებოდნენ ფორს-მაჟორული გარემოებებისაგან.

13. ხელშეკრულებაში ცვლილებების შეტანის და შეწყვეტის წესი

13.1. ხელშეკრულებაში ნებისმიერი ცვლილების, დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე.

13.2. ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველისთვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.

13.3. საქართველოს სამოქალაქო კოდექსის 398-ე მუხლით გათვალისწინებული გარემოებების დადგომის შემთხვევაში, ხელშეკრულების ჯამური ღირებულების გაზრდა დაუშვებელია ხელშეკრულების ღირებულების 10%-ზე მეტი ოდენობით.

13.4. ხელშეკრულების ერთ-ერთი მხარის მიერ ხელშეკრულების პირობების შეუსრულებლობის შემთხვევაში მეორე მხარე უფლებამოსილია ცალმხრივად მიიღოს გადაწყვეტილება ხელშეკრულების შეწყვეტის შესახებ.

13.5. ხელშეკრულების 13.4 პუნქტით გათვალისწინებულ შემთხვევაში ინიციატორი მხარე ვალდებულია გადაწყვეტილების მიღების განზრახვის შესახებ არანაკლებ 10 სამუშაო დღით ადრე წერილობით აცნობოს ამის შესახებ მეორე მხარეს.

14. ხელშეკრულების შესრულების უზრუნველყოფის გარანტია

14.1. ხელშეკრულების შესრულების უზრუნველყოფის გარანტიის მოქმედების ვადა 30 დღით უნდა აღემატებოდეს ხელშეკრულებით გათვალისწინებული მომსახურების გაწევის ვადას

14.2. ხელშეკრულების შესრულების უზრუნველყოფის მიზნით, მიმწოდებლის მიერ წარმოდგენილი ხელშეკრულების ღირებულების 5%-ის ოდენობის შესაბამისი საბანკო გარანტია გამოიყენება ნებისმიერი ზარალის ანაზღაურების მიზნით, რომელიც მიაღდება შემსყიდველს მიმწოდებლის მიერ ხელშეკრულების პირობების შეუსრულებლობის ან არასათანადო შესრულების გამო.

14.3. იმ შემთხვევაში, თუ მიმწოდებელი უზრუნველყოფს ხელშეკრულებით ნაკისრი ვალდებულებების სრულად და ჯეროვნად შესრულებას ან ხელშეკრულების მოქმედება შეწყდება მიმწოდებლისაგან დამოუკიდებელი მიზეზებით, შემსყიდველი ორგანიზაცია ვალდებულია უზრუნველყოს გარანტიის დაუყოვნებლივ დაბრუნება.

15. დავების გადაჭრის წესი

ამ ხელშეკრულების შესრულების დროს წამოჭრილი ყველა დავა შეძლებისდაგვარად გადაიჭრება მხარეთა შორის მოლაპარაკების გზით. შეთანხმების მიუღწევლობის შემთხვევაში დავას წყვეტს სასამართლო.

16. დასკვნითი დებულებები

ხელშეკრულება შედგენილია ორი თანაბარი იურიდიული ძალის მქონე ეგზემპლარად (ერთი რჩება შემსყიდველს, ერთი – მომწოდებელს).

მხარეთა რეკვიზიტები:

შემსყიდველი:

მომწოდებელი:

შპს „სავაჭრო ცენტრი 2009“

ქ. ბათუმი, აღმაშენებლის ქ. 21

საიდ. კოდი 245 626 835

ს.ს „თიბისი“ ბანკის ბათუმის ფილიალი

საბანკო კოდი TBCBGE 22

ა/ა GE07 TB 77 3793 6020 1000 01

დირექტორი

არჩილ კახიძე

პრეტენდენტის რეკვიზიტები :

პრეტენდენტის იურიდიული ფორმა და დასახელება:
ხელმძღვანელის სახელი და გვარი:
პრეტენდენტის იურიდიული ან/და ფაქტიური მისამართი:
საიდენტიფიკაციო კოდი/პირადი N:
პრეტენდენტის ტელეფონის ნომერი:
ელექტრონული მისამართი:
მომსახურე ბანკის დასახელება:
ბანკის კოდი:
ანგარიშის ნომერი:

7.1 მომსახურების გაწევის ვადები:

7.2. ინფორმაცია ანგარიშსწორების შესახებ:

სატენდერო წინადადების ვადა სახელმწიფო შესყიდვების ერთიან ელექტრონულ სისტემაში წინადადებების მიღების დაწყებიდან არა ნაკლებ 30 კალენდარული დღე.

ხელმოწერა -----

თარიღი -----

ფასების ცხრილი

პრეტენდენტის დასახელება _____

აუდიტორული მომსახურების სახე	რაოდენობა	ერთეულის ფასი	საერთო ღირებულება	მომსახურების გაწევის ვადა	აუდიტორული დასკვნის მიწოდების ადგილი
შპს „სავაჭრო ცენტრი 2009“-ის მიერ 2014 წელს გაწეული სამეურნეო-საფინანსო საქმიანობის აუდიტორული შეფასება	1			2015 წლის 10 ივნისის ჩათვლით	ქ. ბათუმი, აღმაშენებლის ქ. 21
2015 სამეურნეო წლის განმავლობაში შპს „სავაჭრო ცენტრი 2009“-ის საწესდებო კაპიტალში მოსალოდნელი, წინასწარ დაუგეგმავი ცვლილებების თაობაზე დამდგარი აუცილებლობიდან გამომდინარე, ან სხვა აუდიტორული დასკვნის მომზადება	1			2015 წლის 31 დეკემბრის ჩათვლით	

N

პრეტენდენტის ხელმოწერა _____ ბ.ა.

ინფორმაცია

აუდიტორული საქმიანობის გამოცდილების თაობაზე

პრეტენდენტის დასახელება _____

N	ჩატარებული აუდიტორული შეფასება	შემსყიდველი	შესყიდვის დრო	შენიშვნა

პრეტენდენტის ხელმოწერა _____

ბ.ა.